

稀見明清經濟史料叢刊

第一輯

◎于浩輯



14



國家圖書館出版社

第一輯

稀見
明清
經濟
史料
叢刊

14

◎ 于浩
輯



國家圖書館出版社

第十四冊目錄

淮鹽紀略 (清)杜文瀾撰

淮鹽紀略

兩淮運司嘉慶拾壹年正雜鹽課錢糧文冊 (清)額勒布編

兩淮運司嘉慶拾壹年正雜鹽課錢糧文冊

四一

兩淮運司嘉慶拾捌年淮南綱食正雜鹽課錢糧文冊 (清)阿克當阿編

兩淮運司嘉慶拾捌年淮南綱食正雜鹽課錢糧文冊

一九五

兩淮運司嘉慶拾玖年淮南綱食正雜鹽課錢糧文冊 (清)阿克當阿編

兩淮運司嘉慶拾玖年淮南綱食正雜鹽課錢糧文冊

三七一

淮鹽紀略

原始

古諸侯夙沙氏煮海爲鹽以資民食此有鹽之始管仲曰海王之國謹正鹽筴國用富強蓋計其鐘釜而出之漢吳王濞封於海陵招致亡命煮海爲鹽國無賦而用饒此權鹽之始武帝時募民自給費因官器煮鹽置幹官長丞及水衡都尉均輸官皆主鹽事所謂鹽器者牢盆也此設官之始後則衛覬請置使者監賣鹽魏武從之陳文帝則立煮海鹽賦後魏宣武收鹽池利迄永熙傍海置竈此有竈池之始唐開元年間江淮轉運使裴耀卿置輸場鹽倉以受淮鹽此官收之始乾元初第五琦變鹽法就山海井竈近利之地置鹽院籍游民業鹽者爲亭戶免雜徭此民灶之始至德十四年以劉晏爲轉運使置吏及亭戶收鹽轉鬻任商所之歲獲鹽利至六百餘萬繙以利國之權行愛民之政故言議政者首推晏此商運之始宋制鹽聽州縣給賣致軍吏困於轉輸舟卒侵盜雜以沙土鹽惡不可食多露積此鹽有挽和之始天聖中用盛度言罷官鬻聽入錢京師權貨務而以淮鹽給之其後西事劇募商人輸芻

粟塞下又置折中倉聽商以金銀輸於京師予券以所在鹽給之此中鹽之始元太宗庚寅歲始定鹽法或銀或鈔其制不一郝彬請建六倉江河之商市易皆賴其營建之功此建倉之始明初因予券之制而改爲引目每引四百斤運司請戶部印造召商中鹽每引輸銀八分凡鹽出場經批驗所定行鹽地界引與鹽離及越境者卽以私論永樂中令商納米於邊米二斗五升粟四斗准鹽一引成化中更其法輸銀於運司銀四錢支鹽一引此造引定界之始嘉靖五年用御史戴金言每正鹽一引許帶餘鹽一引正引納糧草於各邊餘引納銀於運司其夾帶者割沒入官此正引餘引割引之始其後邊穀踊貴又勢要占中賣窩商人輸邊輸銀而挨單候掣非五六年不行復分爲邊商內商水商三項沿邊土著者爲邊商輸芻粟於邊領倉鈔賣於向居揚州之內商內商卽赴場買鹽賣與水商所謂占窩卽後來根商之始邊商卽窩商之始道光十一年裁鹽院時根窩作爲廢紙准商自運並無窩商矣內商卽今之運商水商卽今之水販也稽古以來鹽法屢更總不外乎收鹽收稅之兩端官賣商賣之兩術我

朝定鼎後綱額照明舊制鑒歷代之弊而厘剔之法始大備然法因弊而立弊因法而生不能不隨時整頓也兩淮所更張者分別於後

稅鹽

咸豐四年部科以停綱久議仿王新建就場抽稅之法檄淮試辦署運使淮揚道郭諮於寮屬署淮北監掣同知杜文瀾投牘力言其不可頗是之顧各商已鳥獸散別無著手處兼迫於衆論試行之定以每鹽百斤抽食稅錢一百五十文出江倍之各場不力或三石抽一或五石抽一更有十石抽一者垣鹽爲之一空復設巡卡二十餘處補漏稅及不足者行二年餘收稅錢止二十餘萬緡七年秋署運司喬受篆前蘇布政使聯副之調海州運判杜文瀾署秦分司檄候補監掣同知武祖德同議改革於泰州設總局通秦分司設分局另刊大票以八十五斤爲一包十二包成引征正雜課銀一兩三錢五分行之一年有餘收銀四十餘萬兩於時衆商漸集九年秋聯運司擬撤兩分局統歸舊商承辦每年包納稅銀以二十四萬引爲率多運者聽之而每年所銷僅十餘萬引蓋先設分局足收化私爲官之效一經商辦則私梟從

而侵佔之然欲行綱鹽復設舊規則必以商辦爲正

改票

兩淮正雜錢糧經費本相同也而淮北運費重北鹽銷乏殆盡陶文毅公始改票法淮北大起以二十二萬餘引之正額加至四十六萬引人猶爭之遂定驗費章程以各商資本厚薄定認引之多寡雖所驗半由借貸而來一驗卽當發還然力薄者不能認也初改時文毅公曾云北鹽旺南鹽爲之蔽也後必有因北而推廣於南則鹽法必壞老商皆稔斯語至道光二十九年唐角火燬南商力寔不支遂亦改票以四百之引貼以積鹽二百引不加課又裁去岸費鹽價因之大賤己酉綱極暢至庚戌綱辦到一年銷不及半故於辛亥綱有加課之議鹽仍六百斤改爲引半納課減折認運由商人認岸包辦已收課銀九十八萬六千五百餘兩以粵亂中輟初淮北全盛時協貼淮南銀六十七萬八千八百九十八兩九錢八分八厘係另徵協貼銀三十六萬兩又將懸引及經費盈餘兩欸應之迨淮南改票淮北銷數漸絀壬子綱卽不能征協貼癸丑綱則併懸引而免之經費亦不能盈餘若非淮南停綱淮北何至

不振此淮南改票時所未計而陶文毅公早見及者

產鹽

淮南鹽漬鹵煎成其法擇海濱之地有鹵氣者平治之名曰塋置置成名曰筦場取鹵時鋪草灰於塋上俟一二日灰色轉黑遙望之有白光則知鹵氣已升豫於高處挖有一池入以潮水攪和之名曰灰池低處亦有一池用蘆竹管通於灰池使灰水澄清灌入名曰鹵池池旁設土灶灶上安鐵鏟以草煎之俟鏟中起大泡則點以皂角水而成鹽凡產鹽則旺於春秋在夏則燥烈而無鹵在冬則鹽花入土非數日西風不能也約計草十束可煎鹽一桶淮北則以日曬其法於濱海處挖深溝冬令東北風緊潮水必大灌入溝池卽以蘆草填塞口使在溝之潮不退謂之拏寒潮其鹽池於平地挖深尺許用磚鋪成俟日暖時引潮入池曬一二日潮水卽起泡池丁持帚入水掃之隨掃成鹽太平局之鹽顆粒較大俗名棋竿斗以牙色爲中富鹽色稍紫則次之西臨臨浦青口則白而細爲下矣每小滿節前後掃鹽極易故諺云小滿十八掃此十八日之內卽可收足一綱之鹽過此亦能曬掃第成鹽較遲耳酷暑所

掃爲火鹽粒必中空酷寒所掃爲寒鎗其形尖而長作凌冰色皆不堪用從前鋪池按引額有一定丈尺不准私放寬大池丁作奸則將池之四旁沙土平築如底名沙基小滿時潮水過此不待入池即可成鹽是以淮南有缺產之慮淮北則恐餘鹽太多透私害價也

場務

淮北三場受害在水一線鹽河由清江浦上游之雙金閘進水歷武障義澤等六壩過板浦由臨浦堰入海藉以浮送鹽船水大則六壩易決一洩無餘水小則淮民堵塞雙金閘逼水東下以資灌溉上游蒙沂之來源本弱設遇韓庄阻水淮河亦慮膠舟故北鹽產甚易而到壩甚艱險也淮南二十場受害在風潮每遇有閘之年潮水必大埽場居室頃刻蕩然故各場皆自築避潮墩潮大時僅以身免北場從前章程甚簡每開綱時票販預納錢糧分司查明各池商所收鹽數按上中下三等均勻配籤當堂掣給聽其僱人捆運而已壬子綱以後認運者少不得已先鹽後課俟到西壩出運時再行納課後又以鹽抵餉成規紊亂自開己未新綱經督鹽院曾大加

整理所有皖營滁營之餉鹽漕轅之捐鹽徐臺借運之北鹽營弁私運之毛鹽一概停止招集新舊票販運鹽儲壩完納現規出湖運售其請票截角抽秤上棧等事悉照票鹽成法辦理南場周折極多名目亦衆於物則有斗概包索簽掀桶席等八事於人則有捆忙勾損及地戶掌管等六項極爲鎖碎索費甚多現在章程由分司核定總數飭場曉示此風稍戢

江運

凡運南鹽走長江運北鹽走洪澤湖疆界劃然也獨安徽之舒城桐城合肥廬江滁州無爲巢縣來安等八州縣均北鹽引地額行七萬四千二百六十四引距江近而距湖遠名爲江運北岸歸淮北監掣同知管理淮北改票後北課輕而南課重易藉江運而侵占南鹽遂停運現在滁來兩岸引額本屬無多仍從緩辦其舒城桐城合肥巢縣廬江無爲六岸仿照借運北鹽章程於皖岸六百票內撥出一百票分作四批辦運每運約需本銀一萬五千餘兩由運司於閒欸內提撥發交瓜棧轉交海分司買運北鹽存儲瓜棧挨輪出售其課釐悉照淮南科則與皖商成本一律售出鹽

價除歸運庫借款外餘利儘解北征糧臺充餉惟北鹽色潔粒大棧價較南引稍昂售價亦宜較南引略貴所有皖岸售價每百斤二兩八錢此項北鹽每百斤應增二錢又有天長一岸係淮南引地額行七千三百五十六引距湖近而距江遠廢弛已久現同江甘等食岸專商認運包完課釐

鹽船出場經過地名里數及各卡表

泰屬

通屬

海屬

凡東臺何梁劉庄伍祐新興草堰丁谿廟灣八場鹽船先由泰分司掛號出場至海道口卡掣驗梁梁富安豐三場鹽船由泰分司掛號出至孫家庄卡掣驗十一場鹽船總滙於溱潼該處距孫海二卡約二十里溱潼至港口三十里港口至泰壩三十里鹽船泊下河泰壩官督同四里舖委員掣驗後逐包過壩裝上河屯船與通屬已經南門掣驗鹽船合路前進至沈家渡十五里沈家渡至界溝十里界溝至謝家浦三里謝家

凡枋茶角斜掘港石港豐利金沙呂四餘西餘東九場由通分司掛號出場至力乏橋卡掣驗七里至海安海安至曲塘三十里曲塘至姜堰至塘灣十五里塘灣至泰州南門十五里南門由委員掣驗訖原船由西河嘴至泰州上河以後路與泰屬屯船同

凡板浦場鹽先由太平西臨兩局掣驗中正場鹽先由中富局掣驗臨興鹽先由青口臨浦兩局掣驗後均至大伊山卡掣驗約五十里由大伊山至西園起運至楊庄卡查驗約二十餘里由楊庄至十二堡卡掣驗即順清河移駐之卡約四五十里由十二堡至高良關卡查驗約十餘里

浦至張王家河十里張王家河至廣福橋十里廣福橋至白塔河五里白塔河至宜陵七里宜陵至仙女廟三十里仙女廟至六閘十八里六閘至灣頭十里灣頭至北鹽廳五里北鹽廳至五台山五里五台山至南鹽廳五里由委員查驗南鹽廳至楊子橋五里楊子橋至高明寺十五里高明寺至四里浦十六里由委員查驗四里浦至瓜洲四里由南掣瓜棧製鹽發售

科則

淮南科則釐重於課正課每引本收銀七錢二分另經費一錢八分同治五年減釐加課案內奏定每引加徵課銀一兩一分三釐經費二錢鹽釐鄂岸每引征銀七兩四錢六分七釐內楚厘二兩四錢九釐關稅一錢四分彭都營餉銀一毫湘岸每引征銀七兩四錢六分七釐內鄂厘二兩四錢九釐關稅一錢四分彭都營餉銀一毫分四絲二忽姑塘關稅一錢四分金陵糧臺四兩四錢六分七厘西岸每引征銀七兩九錢二分七釐內水師一成厘金四錢四分金陵糧臺五兩二錢六分六釐九毫五絲八忽皖岸每引征銀六兩六錢七厘內水師一成厘金三兩九錢六分報効一兩九錢留解京口餉銀三錢七厘上元江甯六合江浦句容溧水高淳儀徵八岸每引征銀二兩五錢七

釐內留解京口酌銀三錢七厘大勝關厘金二兩二錢

以上各岸每引均另征書院經費銀四分八厘

江都甘泉天長三岸每引只征正雜課銀一兩四錢二分七厘九毫八絲三忽又加完厘銀六錢高郵寶應泰興靖江四岸每岸只征正雜課銀一兩三錢七分三釐淮北每引完正課銀一兩五錢連雜款外支鹽價經費各款共每引征銀二兩一錢九分七釐六毫自開已未新綱每引征報部正課銀一兩五分一釐雜課二錢外辦經費四錢倉穀一分河費一分鹽捕營一分自西壩出湖先至五河卡每包收釐錢五百文至正陽關卡每包收釐錢五百文

綱額

明制兩淮歲行四百斤大引七十萬五千一百八十引我

朝定鼎剖一爲二以二百斤爲一引共行一百四十一萬三百六十引內派淮南行一百十八萬一千二百三十七引淮北行二十二萬九千一百二十三引此正綱也其有加於正綱之外者如食鹽加窩等等均詳鹽誌現在改行票鹽每引六百斤加漕耗六十斤包索二十八斤分捆八包每八十六斤惟江甘五岸食鹽每引十包每

包六十六斤票法之中仍參用綱法鄂岸自丙寅春秋兩綱起額運十二萬引湘岸

自乙丑秋綱丙寅春綱起額運十二萬引內撥礮鹽九千九百引專銷平江瀏陽續

增淮塊一萬二千引專銷辰河以上各屬西岸自丙寅春秋兩綱丁卯春綱起額運

十五萬引皖岸以乙丑秋綱丙寅春綱起額運七萬二千引

以上四岸由認販舊出前
票之鹽以原名接運後票

內撥

一萬二千引專銷江運八岸中之桐城合肥舒城巢縣廬江無爲六岸

由運司發價委員
專運北鹽至瓜發

販上元江甯二岸每年額運五千二百二十八引六合一岸每年額運二千六百十

七引同治七年改認一千五百六十引江浦一岸每年額運一千二百引同治七年

改認九百六十引句容高淳溧水三岸每年額運四千引儀徵一岸每年額運一千

五百引江都甘泉二岸每年額運六千九百八十九引同治八年改認一萬三千引

高寶兩岸每年額運一千三百八引同治八年改認三千五百引天長一岸每年額

運二千四百五十二引同治八年改認三千五百引靖江一岸本係浙鹽引地現歸

兩淮每年額運四千引

以上各食岸係專
商認運包完課釐

泰興一岸每年額運五百引

由泰興縣運
銷包完課釐

淮北額行二十二萬九千一百二十三引改票之後隨時溢銷加至四十六萬引自

甲寅綱至戊午綱均銷不足數嗣開己未新綱照近年奏案先辦正課二十九萬六千九百八十二引每引正鹽四百斤分捆四包每包連鹵耗一百十斤又於正額外每綱運鹽一千引售出餘利爲敦善書院經費之用至今因之

盤鐵

煎鹽之器漢曰牢盆唐宋曰盤鐵今日鐵牢盆之制不可考今南場有廢盤一二角相傳家執一角須八九角合併始能煎鹽蓋以杜私煎之弊

國朝又鑄新鐵中一曰主鐵旁二曰月鐵亦間有存者厚三四寸重四五千斤今所用鐵似釜而淺重一百四五十斤適用多矣揚州灣頭向設鼓鑄鐵廠商需鐵由場大使給印照持往購買回卽將廢鐵抽換呈繳無力竈丁官給其價於竈鹽入垣時每桶扣銀五分繳還從前每鐵定價五兩八錢兵燹後鐵商成本較重每鐵增至二十四千文後減爲十七千文鐵廠改設宜陵鎮

折價

竈戶地畝不徵銀米其正供只征草蕩之價肇於明萬厯時每畝科銀一二三厘不

等仿州縣廬課之例乙年征甲年之賦謂之壓征通泰海三分司所屬二十三場共完折價銀八萬六千六百十五兩零現在增至九萬四千四百八十一兩零海屬三場鹽池折價於分司發鹽價時扣收繳解運庫並無蒂欠通州地方向不報災卽有荒歉錢糧均不展緩是以通分所屬九場亦年清年款間有灶戶欠完則以分司場官養廉劃抵泰分司十一場則歷年報歉秋後必請緩舊征新是以每年所征只五分有餘多則六分不能全完也

海屬灘地折價亦歷年報歉

官制

運使

乾隆十九年河臣保奏以東臺同知裁汰下河一帶水利歸運使兼管道光二十五年添鹽捕撿加兵備衛養廉二千兩同治五年於經費內添支四千兩共復舊額俸薪一百三十兩心紅四十兩紙束一百二十兩

淮南監掣同知

駐儀徵專司儀徵掣鹽事宜養廉二千四百兩

俸薪六十兩 心紅二十兩

淮北監掣同知

駐淮安府城外專司江運八岸事宜養廉二千四百兩

俸薪六十兩 心紅二十兩

泰壩監掣官

有署有印有養廉而無員缺一年期滿由運司會同藩司詳委養廉七百兩 薪水四十八兩文 駐泰州

永豐壩監掣官

向掣淮北之鹽改票後無專責自康熙二十八年起均爲清河縣兼缺咸豐六年前督鹽院怡改委海州分司杜文燾兼管今因之

海州分司運判

專司淮北三場鹽務原駐淮安爲淮安分司乾隆間改駐海州之板浦自咸豐三年以後西壩督餉事繁常駐於清江浦

養廉二千七百兩 俸薪六十兩 心紅二十兩

通州分司運判

駐通州之石港專司淮南所屬九場鹽務
養廉三千七百兩 俸薪六十兩 心紅二十兩

泰州分司運判

駐東臺縣專司所屬十一場鹽務
養廉二千七百兩 俸薪六十兩 心紅二十兩

鹽運司經歷

駐司署
養廉六百兩 俸薪四十五兩

庫盈庫大使

駐司署
養廉七百兩 俸薪四十兩

鹽運司知事

駐司署
養廉四百兩 俸薪四十兩

白塔河巡檢

駐司署
養廉四百兩 俸薪三十一兩五錢二分

以上四員均屬運司首領行綱鹽時分理監收錢糧給散
引目及皮票呈綱等事今惟庫大使尙司完餘候差委

板浦場

駐海州境
養廉五百兩 因徐濱場歸併 俸薪四十兩

中正場

駐海州境
養廉五百兩 因莞濱場歸併 俸薪四十兩

臨興場

駐贛榆縣境
養廉四百兩 俸薪四十兩

以上三場大使海分司屬

豐利場

駐如皋縣境
養廉四百兩 俸薪四十兩